



Demokraatit  
-/ Esmar Bergstrøm

**Nuummi kommunip nunagissaaneranut tunngatillugu § 36 naapertorlugu Demokraatinik Naalakkersuisunut apeqqummut akissut**

22. maj 2012  
J.nr.

Aallarniutaasumik Naalakkersuisunit ilisimatitsissutigineqassaaq Nuussuup Qinnigutsinnilu illoqarfiup immikkoortuata nutaap akornanni toqqaannartumik aqqusinissamut sanaartortitsisoq tassaammaat Nuup Kommunea taamaalillunilu naammassineqarnissaanut aningaasartuutit isumannaallisaanermullu tunngasunik apeqqutit tassunga apeqqutigineqartussaallutik. Aqquserngup qulaani pineqartup sanaartorneqarnerani teknikikkut aningaasaqarnikkullu akisussaasuvoq Nuup Kommunea.

Postboks 1037  
3900 Nuuk  
Oq/tel +299 34 50  
00  
Fax +299 32 46 14  
oed@gh.gl  
www.nanoq.gl

**Apeqqut:**

1. *Pisortat aningaasaataat qanoq amerlatigisut aqqusinniornissatut pilersaarummut manna tikillugu atorineqarsimanersut takussutissiornissaat kissaatigineqarpoq, Nuup Kommuneata aamma Namminersornerullutik Oqartussat akornanni agguataarlugit.*

**Akissut:** Ineqarnermut Pisortaqarfik apeqqut 1-imut imatut akissuteqarpoq:

Aqqusinermut Nuup Kommuneanut tapiissutit aningaasanut inatsimmi 2003 – 2005-mut katillugit 21,8 mio. kr.-it immikkoortinneqarsimapput. Pilersaarummut Nuup Kommunea qanoq annertutigisumik atuisimanera pillugu Naalakkersuisoqarfik paasissutissanik pigisaqanngilaq.

Ilanngullugu ilisimatitsissutigineqassaaq aqqusinermut tapiissutit 21,8 mio. kr.-it saniatigut ukiuni 2000-2003-mi konto pingaarneq 87.71.32 Attaveqaatinik annertusaaneq, Qinnigorpumi Nukissiorfinnut aningaasaliissutit 46,7 mio. kr.-inik amerlineqarsimmata, 2003-mut AI konto pingaarneq 87.11.03 Nuup Kommuneanut tapiissutit naapertorlugu.

**Inuussutissarsiornermut Pisortaqarfik imatut ilassuteqarpoq:**

Qinnigutsinni attaveqaatinik annertusaanermut tunngatillugu Nukissiorfiit pilersaarutini ataasiakkaani Nukissiorfiit aningaasartuutit makku nalunaarsorsimavai:

- Imeqarfimmut nutaamut 21.000.000 kr.
- Pingaarnertigut erngup aqqutaanut 4.962.000 kr.

- Sakkortusaavinnut 15.363.000 kr.
- Innaallagissamik pilersuinermit 8.396.000 kr.

Taamaalilluni Qinnugtsinni nunagissaanermut Namminersornerullutik Oqartussat immikkoortumi innaallagissap aamma erngup aqutissaannut 49,7 mio. kr.-inik ilapittuisimapput.

#### **Apeqqu:**

2. *Atortulersuutininik piorsaanissamut qulaani taaneqartumut aningaasartuutit suut qanoq kinguneqarnissaat naatsorsuutigineqarnersut pillugit paasissutissat kissaatigineqarput.*
3. *Aqqusineq manissarneqanngitsoq asfalterneqanngitsorlu isumannaal-lisaanikkut peqqussutigineqartunut aammalu qamutinit motorilinnit ator-neqarnissaminut piumasaqaatinut atuuttunut naammassinnissinnaava?*
4. *Aqqusineq manissarneqanngitsoq asfalterneqanngitsorlu ajunaarnersu-aqarsinnaaneranut ajornartoorneqarsinnaanerannullu ukioq naallugu qamutinit motorilinnit assigisaannillu orniginasuarnissamut?*

#### **Akissut:**

Naalakkersuisut apeqquutinik taakkuninnga akissuteqarsinnaanngillat pilersaarum-milu sanaartortitsisumut innersuussisariaqarlutik, tassaasoq Nuup Kommunea. Taamaalilluni Nuup Kommunea pilersaarummi sanaartortitsisut isumannaal-lisaanikkut piumasaqaatinik naammassinnittussaavoq.

#### **Apeqqu:**

Namminersornerullutik Oqartussat KANUKOKA-lu 1. januar 1998-imi sanaartorfi-gissaanermi suliasat nammagassallu pillugit nutaamik isumaqatigiissuteqarput. Isumaqatigiissummi imm. 1.4 ataaniittoq issuaavigissavara immikkoortut ataasiak-kaat erseqqissaavigakkit:

##### 1.4 Illoqarfiup ineriartortinnissaanut nunaminertat nutaat ilanngun-neqarnissaat

*Illoqarfimmik ineriartortitsinermit ingerlaannartumi ilaannikkut nunaminertat nutaajulluinnartut ilanngunneqartarnissaat pisariaqartarpoq illoqarfiup ilaani pioreersumi initussutsip sinneruttup nunaminertanut qanittumiittup illoqar-fimmut tunngasumik atugassanngortinneqarnera ilutigalugu. Nunaminerta-nut taamaattunut assersuutissaapput Qaqortumi Inussuk, **Nuummi Qinngorput** kiisalu Sisimiuni Kangerluarsunnguup avannaa'tungaani Aki-ani illoqarfiup ilaa.*

*Iluatungeriit isumaqatigiissutigaaq illoqarfiup ineriartortinneqarnissaanut nunaminertat nutaat taamaattut ilanngunneqartarnissaannut atatillugu im-mikkut ittumik sanaartorfigissaanerit ingerlanneqartarnissaat **kommunip aningaasaqarnerata avataani killiliussaniittuassasut**, taamatuttaarlu il-loqarfiup ineriartortinnera taamatut annertutigisoq aammattaaq sanaartorfi-gissaanerup saniatigut aammattaaq nunaminertani allani ani-ngaasaliissutit amerleriertinnerannik pilersitsissasoq.*

...

**Illoqarfimmik ineriartortitsinermut nunaminertat nutaat pisariaqartin-neqartumik ilanngunneqartarnissaannut atatillugu immikkut ittumik an-nertuumillu sanaartorfigissaanerit pineqartumi Namminersornerullutik Oqartussat suliassaattut ingerlanneqassapput aningaasanut inatsimmi immikkut ilanngunneqartussat.** Pilersaarut pillugu oqaloqatigiinnerni piffis-sat akiliiffissat, annertussusissat, sumut sammivilimmik ingerlatitsinerit assigi-saallu pillugit taamaattoq pisuni tamani kommunip aningaasaleeqataanissaa pillugu kommunimit qanoq isumaqarnerit akuersaarneqarnissaanni isu-maqatigiinniartoqarsinnaavoq. Kommuni pisuni tamani sanatitsisuunissamik isumaginnittuunissaminik neqeroorfigineqassaaq.

5. *Naalackersuisut isumaqarpat isumaqatigiissut qulaani issuaavigineqartoq tamakkiisumik suli atuunnersoq?*

**Akissut:**

Aap.

**Apeqqu:**

6. *Naalackersuisut ataani atsiortutulli isumaqarpat Namminersornerullutik Oqartussat isumaqatigiissut naapertorlugu Nuummi Qinngutsinni pingaar-nerusumik sanaartorfigissaanissamut<sup>1</sup> aningaasaqarnikkut akisussaasut?*

**Akissut:**

Naalackersuisut isumaqanngillat Nuummi Qinngutsinni pingaarnertigut nuna-gissaannermut Namminersornerullutik Oqartussat aningaasaqarnikkut akisus-saasuusut. Akerlianilli Naalackersuisut isumaqarput kommunimut pilersaarut imaluunniit kommunimut pilersaarummut tapiliusaaq nunap ilaanik nutaanik ilanngussisoqarniartillugu, taava isumaqatigiissut imatut paasineqarpoq kommunip aningaasaleeqataanissaa pillugu kommuni pineqartoq tamatigut isumaqatigiinniar-figineqartassasoq. Tamatuma kingorna killiussat immikkoortinneqartut iluanni sa-naartugassatut kissaatigineqartut tamarmik Inatsisartunit tamarmiusunit tulleriis-sarneqartussaapput.

Taamaalilluni Aningaasanut inatsisini aningaasat agguarneqarnissaannut anin-gaasaqarnikkut pingaarnertigut tamatigut Inatsisartut akisussaasuusarput.

**Apeqqu:**

7. *Naalackersuisut ataani atsiortutulli isumaqarpat nammagassat agguataar-neqarnissaat pillugu isumaqatigiissummi qulaani issuarneqartumi, piffissat akiliiffissat, annertussusissaq il.il. pillugit assigiinngisitaartumik isu-maqartoqassappat Nuup Kommuneanik isumaqatigiinniarnissap anguneqarnissaanut Namminersornerullutik Oqartussat pisussaatisasut?*

**Akissut:**

---

<sup>1</sup> Pingaarnerusumik sanaartorfigissaaneq isumaqatigiissutip immikkoortutut aallaqqaataani nas-suarneqarpoq tassaasoq atortulersuummik atortulersuutinilluunniit arlaqartunik soorlu aqqusiner-mut, eqqakkat aqqaannut, imermut, kiassaait aqqaannut teleminngaanniillu aqqusersuutitut ikkussui-nerut. Sanaartorfigissaanermi pineqanngillat ikkuffiit aammalu namminerisamik najukkamut iseri-artortarfiit.

Naalakkersuisut malugeqqussavaat kommunimut pilersaarut imaluunniit kommunimut pilersaarummut tapiliusseq nunamik nutaamik ilanngussinialerpat taava isumaqatigiissut imatut paasineqarpoq kommunip aningaasaleeqataanissaa pillugu kommuni pineqartoq tamatigut isumaqatigiinniartineqartassasoq.

Tamatuma kingorna aningaasanut inatsisinik isumaqatigiinniarnernut atatillugu immikkut ittumik nunagissaanernut aningaasaliissutit qanoq annertutiginissaat pillugit Inatsisartut inaarutaasumik aalajangiisussaapput.

Aammattaaq Naalakkersuisut ilisimatitsissutigissavaat Namminersornerullutik Oqartussaniit aningaasaliinissaa pillugu siumoortumik neriorsuisoqaqqaarsimatinagu nunagissaanermik suliassanik immikkut annertuunik kommuni aallartitsisimappat taava Nunatta Karsiata tungaaniit aningaasalersueqataasinnaaneq naatsorsuutigineqarsinnaanngilaq.

Nunagissaaneq pillugu isumaqatigiissut 1998-imeersoq imatut atuarneqarpoq, nunagissaanissamut suliassanut atatillugu kommunit amerlanertigut immikkut it-tunik kissaateqartartuummata, nammaqatigiinnissaaq sulianillu avitseqatigiinnissaaq pillugu kommunimik pineqartumik tamatigut isumaqatigiinniartoqartarpoq, taamaalilluni kommunip aningaasaleeqataanissaa pillugu.

Tamatuma ilutigisaanik malugeqquneqarpoq nunamik nutaamik ilumut piviusumik ilanngussisoqarnerseq, imaluunniit sanaartorfigineqareersumut atasumik nuna pineqarnerseq. Nunagissaaneq pillugu isumaqatigiissut naapertorlugu "nunatut nutaatut" isigineqarput "illoqarfimmut nunatat ilaareersut eqqaanniittut nunatat" nunatat avataaneersut.

#### **Apeqqut:**

8. *Naalakkersuisut ataani atsiortutulli isumaqarpat, Namminersornerullutik Oqartussat isumaqatigiissut naapertorlugu kommuninik oqaloqatiginnittar-nissaminni pisussaataasut aningaasanut inatsisini pingaarnerusumik sanaartorfigissaanermut aningaasanik piviusorsioortunik immikkoortitsinissaminut pisussaataasut?*

#### **Akissut:**

Namminersornerullutik Oqartussat tamatigut Aningaasanut inatsisini aningaasanik piviusorsioortunik immikkoortitsiniartarsimapput. Tassunga atatillugu malugeqquneqarpoq Namminersornerullutik Oqartussat nunatta karsiani aningaasanik akimuilluni pingaarnersiuisissamut pisussaaffeqarmata.

Nunatta karsianit akuersarneqarsinnaasunit amerlanerusunik immikkoortuni tamani sanaartugassanik kommunit kissaateqartarput, taamaattumillu Inatsisartut inaarutaasumik aningaasanik pingaarnersiuisussaallutik.

Nunagissaaneq pillugu suliassanik nammaqatigiinnissarlu pillugu Namminersornerullutik Oqartussat aamma KANUKOKA-p akornanni isumaqatigiissut 1. januar

1998-imeersoq naapertorlugu naalackersuisut isumaqarput kommunimut pilersaarut imaluunnit kommunimut pilersaarummut tapiliusseq nunatanik nutaanik ilanngussisoqarnialeraangat taava kommuni pineqartoq tamatigut isumaqatigiinniarfigineqartarpoq.

Apeqqut 7-mut akissutigineqartoq assigalugu ilisimatitsissutigineqassaaq Namminersornerullutik Oqartussaniit aningaasaliinissaq pillugu siumoortumik neriorsuisoqaqqaarsimatinnagu nunagissaanermik suliassanik immikkut annertuunik kommuni aallartitsisimappat taava Nunatta Karsiata tungaaniit aningaasalersueqataasinnaaneq naatsorsuutigineqarsinnaanngilaq.

**Apeqqut:**

9. *Naalackersuisut ataani atsiortutulli isumaqarpat, isumaqatigiissutip anersaavanut akerliussasoq Namminersornerullutik Oqartussat pingaarnersumik sanaartorfigissaanermut aningaasanik immikkoortitsinissartik pinnigitsoortippassuk, Namminersornerullutik Oqartussat aammattaaq nalunngippassuk suliassaqarfimmut tassunga aningaasaliissuteqartoqarnissaa pisariaqartinneqartoq?*

**Akissut:**

Naalackersuisut isumaqarput nunatani nutaani nunagissaanissaq pillugu suliassanik nammaqatigiinnissarlu pillugu namminersornerullutik oqartussat aamma kommunip akornanni isumaqatigiittoqarsimappat, taava illuatungeriit isumaqatigiissutip malinneqarnissaanut pituttugaassapput.

Pingaarnertigut nunagissaanermi suliassat pillugit kommuniniit kissaatit tamarmik nunatta karsianit aningaasaleeqataafigineqassappata taava sanaartugassanit allaniit, assersuutigalugu meeqqat atuarfiinik nutarterinerniit imaluunniit erngup nukinganik nukissiorfiliornerniit allatut tulleriissaarisooqartariaqassaaq. Taamaattumik Naalackersuisut isumaqanngillat aningaasanik immikkoortitsisoqannginnera isumaqatigiissutip anersaavanut akerliussasoq.

Namminersornerullutik Oqartussaniit pingaarnertigut nunagissaanermi suliassani aningaaleeqataaneq piffissamik piviusorsioortumik aamma sanaartugassanik tamarmiusunik namminersornerullutik oqartussat pilersaarusiomerat pingaarnersiunerallu eqqarsaatigalugit pilersaarusiorneqartariaqarput.

**Apeqqut:**

*2006-imut aningaasanut inatsimmut aningaasaliissuteqarnissamut naatsorsuutigineqartuni, konto pingaarneq 87.11.03, Nuup Kommuneanut tapiissutit, takuneqarsinnaavoq, kommuni aamma Namminersornerullutik Oqartussat isumaqatigiinniarnermi isumaqatigiissuteqarsimasut Namminersornerullutik Oqartussat Qinnqutsinni sanaartorfigissaanissamut qanoq annertutigisumik aningaasalersuinissaminnut peqataassanersut. Tamatumunnga peqatigitillugu arlaleriarluni ullormut sap. akunneranullu nutaarsiassani takuneqarsinnaallunilu tusarneqarsin-*

*naavoq Nuup Kommunea isumaqanngitsoq Namminersornerullutik Oqartussat suliassanik nammagassanillu agguataarinissaq pillugu isumaqatigiisummik naammassinnissimasut.*

*10. Nuup Kommunea Namminersornerullutik Oqartussanut isumaqatigiis-suteqarnermut qulaani taaneqartumut oqaaseqarsimava?*

*11. Namminersornerullutik Oqartussat kommunillu akornanni isumaqatigiis-sutigineqartutut eqqartorneqartup assilineru kissaatigineqarpoq.*

**Svar:** Ineqarnermut, Attaaveqarnermut Aatsitassanut Ikummatissanullu Pisortaqaq-fimmit apeqqut 10 aamma 11 imatut akineqarput:

*"Apeqqut 10. Nuup Kommunea Namminersornerullutik Oqartussanut isu-maqatigiis-suteqarnermut qulaani taaneqartumut oqaaseqarsimava?*

*Apeqqut 11. Namminersornerullutik Oqartussat kommunillu akornanni isu-maqatigiis-sutigineqartutut eqqartorneqartup assilineru kissaatigineqarpoq"*

Isumaqatigiisut 1999-imeersoq tammarsimavoq, Nuup Kommuneaniillu allakkani 13. april 2004-imi ullulerneqartuni, Agnethe Davidsenimit aamma Kim Hvidsten-dahlimit atsiorneqarsimasunit immikkoortoq imaattoq takuneqarsinnaavoq:

**"Qinngutsinnut aqquserngup pingaernerup sanaartorneranut tunngatillugu oqaluttuassartaa annertuujuvoq.**

1999-imi Nuup Kommunea aamma Namminersornerullutik Oqartussat isu-maqatigiisput Qinngutta ilanngunneqarnissaanut sulineq ingerlateqqinneqassasoq aamma Qinngutsinnut pingaernerumik aqqusinniortoqassasoq ( takuuk Ataatsimut allakkiaq Nuup Kommuneanit aamma Namminersornerullutik Oqartussanit ulloq 13. oktober 1999-imi atsiorneqarsimasoq).

Namminersornerullutik Oqartussat aningaasaliinissamut pilersaarutaannut oqaaseqaateqarnermut atatillugu kommuni ukiut tamaasa Qinngutsinnut aqquser-ngup pingaernerup sanaartornissaanut aningaasaliissutit immikkoortinneqarnissaat noqqaassutigisarsimavai suliallu ineriartorneru oqaaseqarfigisarsimallugu.

Qinngutsinni nunagissaanerup siuarsarneqarnissaa pillugu Nuup Kommuneanit kissaateqarneq tunuliaqutaralugu 2000-mut aningaasanut inatsimmi oqaasertalius-saq ilanngunneqarpoq Nuummi 60/40 atorlugu sanaartornermut aningaasaliissutit Qinngutsinni nunagissaanerumut nuunneqarnissaannut Naalakkersuisut pigin-naatinneqassasut.

Tamanna tunngavigalugu aningaasaliissutit 68.500.000 kr.-it kingusinnerusukkat nuunneqarput, tassa inissialortiternissamut pilersaarutit taamaatiinneqarmata. Aningaasaliissutinit taakkunannga 46.700.000 kr.-it konto 87.71.32 Attaveqaatit Qinngorpumut immikkoortinneqarput, tassa 33.000.000 kr.-it erngup aqqutissaanut immikkoortinneqarmata, 3.200.000 kr.-it sakkortusaavinnut immikkoortinneqarmata, 7.500.000 kr.-it illut akornanni erngup aqqutaannut immikkoortinneqarmata aamma 3.000.000 kr.-it innaallagoissamik pilersuinissamut immikkoortinneqarmata.

Aningaasat sinneruttut 21.800.000 kr.-it Qinngutsinnut aqquernup pingaarnep sanaartorneqarnissaanut konto 87.11.03 Nuup Kommuneanut tapiissutitut immikkoortinneqarput. Aningaasaliissutit taakku aqquinniornermut atatillugu aningaasartuutitut matussutissatut taamaattoq naammassimangillat.

Allakkani 7. november 2002-meersuni Attaveqarnermut Ineqarnermullu Pisortaqarfik ilisimatitsivoq aningaasaliissutit, aningaasanut inatsimmi Qinngutsinni illut akornanni erngup aqquataanut immikkoortinneqarsimasut kukkunikkut immikkoortinneqarsimasut, pisortaqarfiullu siunnersuutigalugu aningaasaliissutit peerneqassasut.

Allakkatigut 14. november 2002-meersutigut Nuup Kommunea ilisimatitsivoq aningaasaliissutit peerneqarnissaannut kommuni isumaqataasoq, tamatumalu ilutigisaanik kommunimit noqqaassutigineqarluni sipaarutaasut aqqusinermut pingaarnermut tapiissutitut aningaasaliissutit immikkoortinneqassasut.

Allakkani 2. november 2003-mi Attaveqarnermut Ineqarnermullu Pisortaqarfik ilisimatitsivoq kommunip kissaataanut pisortaqarfik allaffissornikkut akuersisimasoq, tassa Pisortaqarfik 2003-mut aningaasanut inatsisissamut siunnersuummut pingaarnersiunissaq pillugu isummernissamut tunngavissiami kommunimut tapiissutit ilaneqarnissaat ilanngunneqarmat.

2003-mut aningaasanut inatsisissamut pisortat siunnersuutaannit takuneqarsinnaavoq illut akornanni erngup aqquataanut aningaasaliissutit peerneqarsimasut, aqqusinermullu pingaarnermut aningaasaliissutini immikkoortinneqarsimasuni qaffasoqarsimangitsaq.

Allakkatigut 14. marts 2003-imeersuni Pisortaqarfiup Kommuni ilisimatitsivoq 2003-mut AIS-mi tapiissutit amerlineqarnissaannut inissiisoqarsinnaasimangitsaq, tapiissutilli qaffanneqarnissaannut Nuup Kommuneata kissaataa 2004-mut ukiunullu missingersuusiorfiusunut AIS-mut ileqquusumik sanaartugassatut kissaatinut ilanngunneqarumaartut.

Ajoraluartumilli aamma 2004-mi aqqusinermut pingaarnermut aningaasaliissutit ilaneqaqqinngitsoorput.

Nunagissaaneq pillugu suliassanik nammaqatigiinnissarluk pillugu isumaqatigiissut naapertorlugu Qinngutsinnut aqqusinermut pingaarnermut namminersorerullutik oqartussat aningaalersuisussaapput. Nuup Kommuneata suliamik taassuminnga namminersorerullutik oqartussat naammassisinnaannginnerat taamaattumik akuerisinnaanngilaa.”

Allakkat tamarmiusut assilineri piumaneqarpata naalakkersuisunut ilaasortamut saaffiginnikkut tunniunneqarsinnaapput.

**Apeqquut:**

12. *Naalakkersuisut Qinnngutsinnut aqquserngup manissarneqanngitsup piorsarnissaanut aningaasanut inatsisissami pisussami aningaasanik immikkoortitsinissartik naatsorsuutigaa?*

**Akissut:**

Naamik, ukiuni 2003-2005-imut 21,8 mio. kr.-it immikkoortinneqarput. Naalakkersuisut naatsorsuutigingilaat aningaasanik annertunerusunik immikkoortitsisoqassasoq.

**Apeqquut:**

13. *Naalakkersuisut isumaqarpat Namminersornerullutik Oqartussat suliassami matumani Nuup Komuneanut pissusissamisoorumik unneqqarissumillu pissusilersortut?*

**Akissut:**

Aap.

**Apeqquut:**

2005-imut aningaasanut inatsimmi aammattaaq takuneqarsinnaavoq, aningaasat kontumi pingaarnermi 87.11.03-mi immikkoortinneqarsimasut siullermik Nuummi 60/40 atorlugu illulioriternissamut immikkoortinneqarsimasut. Aningaasat taakkua qularnanngitsumik Aningaasaqarnermut Ataatsimiititaliap akuersissuteqarneratigut Qinnngutsinni sanaartofigissaanissamut nuunneqarsimapput.

14. *Pappiaqqat suliamut tunngassuteqartut akuersissuteqarnermut tunngavigineqartut assilineri kissaatigineqarput. Tassunga ilanngullugu Aningaasaqarnermut Ataatsimiititaliap aalajangiinerata assilineri kissaatigineqarpoq.*

15. *Tamatumunnga peqatigitillugu kissaatigineqarpoq nassuiarneqassasoq Aningaasaqarnermut Ataatsimiititaliaq siornatigut ilisimatinneqarsimanersoq, aningaasat nuussinerup ki-ngornatigut Qinnngutsinni sanaartofigissaanissamut atugassanngortinneqartut kommunip pisariaqartitaasa akuersaarneqarnissaannut naammassannginnersut?*

**Akissut:**

Naalakkersuisut nalinginnaasumik aningaasanut inatsisiliornermut innersuussisarput aningaasanut inatsisissatut siunnersuut tamarmiutilluni Aningaasanut Ataatsimiititaliamit suliarineqartussanngorlugu nassiunneqartarmat. Tassani Naalakkersuisut malugeqqussavaat aningaasanut inatsisissatut siunnersuutit naggataatigut Inatsisartunit inaarutaasumik akuerineqarlutillu pingaarnersiorneqartarmata.

**Apeqquut:**



16. *Kontumut pingaarnermut qulaani taaneqartumut 2006-imut aningaasanut inatsimmi ani-ngaasanik immikkoortitsisoqarsimannilaq. Tamanna ima paasisariaqarnerluni Naalackersuisut tamanna najoqqutaralugu Qinngutsinnut aqquserngup naammassineqarnissaanut aningaasanik immikkoortitsilersaanngitsut?*

**Akissut:**

Aap.

**Apeqqut:**

*Naalackersuisut siornatigut pingaarnerusumik sanaartorfigissaanissaq pillugu Inatsisartut Ani-ngaasaqarnermut Ataatsimiititaliaannut arlalippaalussuarnik paasissutissiisarsimapput. Tamanna ilaatigut takuneqarsinnaavoq 2005-imut Aningaasanut inatsisissatut siunnersuummut Aningaasaqarnermut Ataatsimiititaliap isumaliutissiissutissatut ilassutaani:*

(Issuaaneq aallartippoq:)

6. *Pingaarnerusumik sanaartorfigissaaneq*

*Aningaasaqarnermut Ataatsimiititaliaq paasissutissinneqarpoq Upernaviup kommunia 2005-imi inissianik aningaasaliiffiqineqartunik sanaartornissaminut periarfissaqanngitsoq illoqarfiup ilaanut nutaamut aqqusinniortoqaqqaartinagu. Pingaarnerusumik sanaartorfigissaanerup pineqarnera pissutigalugu tamatumani Namminersornerullutik Oqartussat aningaasartuuteqarnissaat pineqarpoq, tamatumunngali tunngasumik missingersu-  
usiorneqarsimanera takuneqarsinnaanani.*

*Naalackersuisunut ilaasortap oqaaseqaatai naatsorsuutigineqarput.*

*Naalackersuisunut ilaasortap ilaatigut makkua oqaatigai:*

*Naalackersuisut 2005-imut aningaasanut inatsisissatut siunnersuummut kommunit kissaatigisaasa nassiunneqarnerannut atatillugu Upernaviup kommunianit qinnuteqaat tiguaat.*

*Inissiat, meeqqat aturfii aammalu pilersuinerup tulleriarneqarnissaat Naalackersuisut toqqarpaat, taamaattumillu Upernaviup kommuniata kissaatigisai eqqarsaatiginagit. Oqaatigineqarsinnaavoq aammattaaq Nuup, Sisimiut Qaqortullu kommuniinit sanaartorfigissaanissamik qinnuteqaatit nassiunneqarsimasut aamma naammassineqanngitsut.*

*Naalackersuisunut ilaasortap isumasioqatigiinnermi aammattaaq oqaatigaa,*

*Nunaminertanut nutaanut pingaarnerusumik sanaartorfigissaa-neq aqqusinniernerlu pillugit ajornartorsiut Upernavimmuinaanngitsoq ajornartorsiutaasoq. Nuuk, Sisimiut Qaqortorlu taamaangajattunik ajornartorsiuteqarput.*

*AIS 2005-imi aningaasanik immikkoortitsisoqarsimanngilaq, taamaattumillu suliassaqarfimmi tamatumani suliniutit ingerlateqqinnissaat ajornakusoortorujussuulluni, kommunit aningaasaqarnikkut namminneerlutik akileeqataasimatinnagit.*

*Naalackersuisunut ilaasortap kommunit Namminersornerullutillu Oqartussat akornanni nammagassat agguataarneqarnissaat pillugu isumaqatigiissut atuuttoq sumiginnarniannigilaa, kisiannili aningaasaqarnikkut killiliussat atuuttut tunngavigalugit suliisoqarnissaa pisariaqarnerarlugu. Naalackersuisoqarfiup suliassaqarfimmi tamatumani allanik suliniuteqarnerit aallartissap-pagit aningaasaliussat amerlanerit pissarsiarineqassapput.*

*Suliassatut pilersaarutinut ilisimaneqartunut ullumikkut aningaasaliissuteqarnissamik pisariaqartitsinerit missiliorlugit imaa-pput:*

- Nuuk, Qinnngutsinnut aqqusineq: 70 mio. kr.
- Upernavik, aqqusineq: 14 mio. kr.
- Sisimiut: 30 mio. kr.-it missiliorlugit
- Qaqortoq: Eqqqoqqissaartumik ilisimaneqanngilaq.

*Tassunga ilanngunneqassapput Nukissiorfinnut ukiumoortumik immikkut ani-ngaasaliissutit 16 mio. kr.-it missaanniittut.*

*Aningaasaliissutissatut pisariaqartinneqartut taamaalillutik tamakkerlutik 100 mio. kr.-init amerlanerupput.*

*Aningaasaqarnermut Ataatsimiititaliaq isumaqarpoq assut eqqarsarnartoqartoq Naalackersuisunit nunatsinni kommuninik nammagassat suliassallu pillugit isumaqatigiissut maleruarneqanngimmat, aammalu Naalackersuisut tungaannit pingaarnerusumik sanaartorfigissaanermi aningaasaliinissat pisariaqartinneqartut akuersaarneqarnissaat neriuutigalugu. (Issuaaneq naavoq)*

*Landsstyremedlemmet oplyste bl.a. følgende:*

*17. Naalackersuisut saqqummiussanut qulaaniittunut ilassutissaqarpat?*

**Akissut:**

Naalakkesuisut suli isumaqarput pingaarnertigut nunagissaaneq pillugu kommunit kissaataat sanaartornissamut kissaatit allat naleqqatigiillugit pingaarnersiorneqasasut.

**Apeqqut:**

*18. Naalackersuisut Aningaasaqarnermut Ataatsimiititaliap 2004-mi ukiakkut suliaasaqarfii qulaaniittut tunngavigalugit sunik suliniuteqarpat?*

**Akissut:**

2006-mut ukiumut missingersuusiorfiusoq pillugu kommuninik ataatsimut tapiissutit pillugit isumaqatigiinniarnerni namminersorerullutik oqartussat aamma kommunit akornanni isumaqatigiissutigineqarsimavoq nunagissaanermut tunngatillugu apeqqutit pillugit siunissami siumut sammisumik isigisoqassasoq.

Tamatuma saniatigut isumaqatigiissutigineqarpoq 2006-mut aningaasanut inatsissatut siunnersuummi Naalackersuisut Nukissiorfinnit oqartussaaffigineqartumi nunagissaanermut 10 mio. kr.-it sinnerlugit aningaasaliisoqarnissaanut Inatsisartut isumaqataanissaat anguniarneqassasoq.

2006-mut Aningaasanut inatsimmi taamaalilluni KANUKOKA-lu isumaqatigiissutigineqarpoq nunagissaanermut suliaasanut Nukissiorfiit pissai 15 mio kr.-it imikkooortinneqassasut.

**Apeqqut:**

*19. Qinnuteqaateqarnerit misissuataarneranni kingullerpaami pingaarnerusumik sanaartorfigissaanissamut kommunikkoortumik kissaatigineqartut takussutissiornerat kissaatigineqarpoq. Namminersorerullutik Oqartussanit suliaasatut pilersaarutinut ataasiakkaanut inassuteqaatip takussutissiami ilanngunneqarnissaa piumaneqarpoq.*

**Akissut:**

Ilanngussatut ikineqartumi takuneqarsinnaapput sanaartugassatut kissaatit Ineqarnermut Attaveqarnermullu Pisortaqaqfimmu nassiunneqarsimasut. 2007-mut aningaasanut inatsisissamut siunnersuutissaq suli Naalackersuisunit suliarineqarpoq, taamaattumillu Naalackersuisut aningaasanut inatsisissatut siunnersuutissaannut kissaatit taakku qanoq annertutigisumik ilanngunneqassanersut suli isummerfigineqarnatik.

Ikinngutinnersumik inuulluaqqusillunga

Josef Motzfeldt